



9 INDUSTRIA, BERRIKUNTZA ETA AZPIEGITURAK




**9. GJH erronkatzat hartzen ditu eraldaketa digitala eta eredu ekonomiko zirkular eta deskarbonizatu bate-
rantz aurrera egitea.**

Horretarako ondorengo arloak lantzen dira...

1. Zarauzko industria-establezimenduen ezaugarriak
2. Berrikuntza eta zaintza teknologikoa
3. Turismoarekin lotutako berrikuntza
4. Industria-establezimenduen ingurumen kudeaketa
5. Ekonomia zirkularra Zarautzen

ZEIN PUNTUTAN DAGO ZARAUTZ?


Zarauzko industria-establezimenduen ezaugarriak



Iturria: Eustat

Industria-sektorea 128 enpresa inguruk osatzen dute; hau da, udalerrian sektore honek % 7 suposatzen du enpresa kopurua kontutan hartuta. Industria-establezimenduen bilakaera aztertuz, azken 10 urtean %32 jaitsi dela ikus daitekeelarik.

Bestalde, 128 industria establezimenduek 1.215 pertsona enplegatzen dituzte, hau da, udalerrian sortzen diren enpleguen %18a.



Iturria: SEPE. Langabeziaren eta kontratuen erregistroa

Industria-sektorean langabezian geratu ziren pertsonen kopuru maximoak 2012 eta 2015 urteen artean erregistratu ziren.

Aldi berean, sektorean urtero erregistratutako kontratuek gora egin dute 2015etik aurrera.



Udalerrian kokatzen diren enpresa gehienak **metalezko produktuen fabrikazioa eta altzarigintza** arlokoak dira. Establezimendu kopuruaren arabera adierazgarriak dira, halaber, **arte grafikoen eta elikagaien eta edarien ekoizpen** sektoreko establezimenduak ere. Azken 10 urtetan industria sektoreko **establezimendu kopuruak behera egin du** udalerrian.

Establezimendu gehienak 1995ean inauguratutako **Abendaño industrialdean daude**. 2022an Urbanizazio-obra egiten ari dira poligonoak handitzeko eta hobetzeko (uholde-arriskuari aurre egiteko eta herriguneko mugikortasuna hobetzeko).

Gaur egun indarrean dagoen lursail industrialen erabilera arautzen duen ordenantzak ez du baimentzen txikizkako merkataritza-erabilerarik lurzoru industrialean; industria-sektore edo industria gunetan industriaz gain, beste erabilera batzuk ezartzeko eskaera dagoenez, egungo ordenantzaren aldaketa tramitatzen ari da Udala.

Berrikuntza eta zaintza teknologikoa

Zarauzko berrikuntzaren egoerari dagokionez, ez dago udal mailako daturik, baina eskualde mailako datuak oinarri hartuz. 2020an, Urola Kostako I+Gko eskualdeko barne-gastua BPGren % 1,42 izan zen, Euskadiko batez bestekoaren eta Gipuzkoako beste eskualde batzuen azpitik dagoelarik.



Iturria: Ikerketa zientifikoko eta garapen teknologikoko jardueri buruzko estatistika-I+G

Eskualdean, Urola Kostako Udal Elkartearen funtsezko eginkizunetako bat da eskualdeko enpresen lehiakortasuna eta modernizazioa hobetzea, prestakuntza, aholkularitza eta laguntza teknikoaren bidez; izan ere, lehiakortasuna eta modernizazioa hobetzea da eta, enpleguari eutsi eta lanpostuak sortzeko bidea. Horretarako, KUDEAKETA+ izeneko programa garatuko da 2022.urtean zehar. Enpresek eta ekintzaileek kudeaketa profesionalizatzeko bidean eskainitako programa bat da.

Turismoarekin lotutako berrikuntza

Zarauzko turismo departamentutik enpresa turistikoen lehiakortasuna landu eta sustatu da urtetan zehar: 2005 urtean Zarautzek **kalitate turistikoaren Q ziurtagiria** atera zen eta ondoren, Zarautz aitzindari izan zen baita ere **SICTED** proiektua sustatuz, helburu turistikoen kalitatea hobetzeko proiektu gisa. Proiektu honetan turismoa oinarri duten izaera desberdinetako enpresek parte hartu zuten: alojamenduek, jatetxeek, tabernek, surf eskolek, txakolindegiek eta gida turistikoek ere.

Bide horretan, Zarauzko Turismo bulegoak Euskadiko Turismoaren **Kode Etikoaren** ziurtagiria lortu du, zeinaren helburu nagusia den eragile turistikoek erantzukizuna eta jasangarritasuna beren eguneroko jardueran integratu dezaten lortzea.

Orain arte egindako ibilbide honek enpresa turistikoa hauei **Biosphere jasangarritasun** ziurtagiria lortzeko aukera errazten die.

Industria-establezimenduen ingurumen kudeaketa

Industria-sektorean **ingurumen inpaktu handiena** duten instalakuntzak Kutsaduraren Prebentzio eta Kontrol bateratuari buruzko (IPPC) 16/2002 (eta ondorengo aldaketak) Legearen eraginpean daudenak dira. Zarautzen **Urte-tako zabortegia** da establezimendu bakarra, zeina dagokion Ingurumen Baimen Bateratua eta Jarduera-Lizentzia dituen. Nahiz eta itxita egon, oraindik jarraipena egin behar zaio, sor litzakeen ingurumen inpaktuak kontrolatzeko.

Udalerrian kokatuak dauden gainontzeko aktibitateek ingurumen inpaktu baxuagoa dutela kontsideratzen da, bai aktibitate motagatik, baita aktibitatearen beraren tamainagatik ere.

Guzti hauek Sailkatutako Jarduera Klasifikatuen-Lizentziaren edo Aldez Aurreko Jakinarazpen prozeduren bidez kontrolatzen dira. Oraindik industria sektoreko enpresa guztiek ez dituzte legezatzeko beharrezkoak diren tramite guztiak bukatu.

Ekonomia zirkularra


Ekonomia zirkularraren helburua baliabide material eta energetikoak ahalik eta gehien aprobetxatzea da, ekonomian ahalik eta denbora gehien iraun dezaten, hondakinen sorrera ahalik eta gehien murriztuz. Horrek ekoizteko eredia derrigorrez aldatu beharra dakar, eta, azken finean, herritarren jarrera, ohiturak eta jokabidea.

Udaletik orain arte ez da industriari zuzendutako ekonomia zirkularrarekin lotutako ekintzarik egin. Hala ere, Zarautzen badaude ekonomia zirkularreko prozesuak hasi dituzten ekimen pribatu batzuk da, beren produktuak fabrikatzeko lehengai gisa material birziklatuak erabiltzen dituztenak.

EKIMEN ESANGURATSUAK

1.

Industrialdeetan egindako azpiegitura



Industrialdeetan egindako azpiegitura berriak: Errotaberriko poligonoa zabaltzea eta Abendaño eta Frantzeskako zubi berriak egitea.

3.

Berrikuntza eta kalitatea sustatzea



Kalitate turistikoaren "Q ziurtagiria" lortzea eta "SICTED proiektua" garatzen aitzindaria izan da Zarautz, **turismo enpresetan berrikuntza eta kalitatea sustatzea** helburu izan dutenak.

2.

Zerbitzu trinkoak eta programa zehatzak



Urola Kosta Udal Elkarteak eskualdeko enpresei eta ekintzaileei egiten dituen azterlanak eta eskaintzen dituen zerbitzuak:

- **Zerbitzu trinkoak:** Sentsibilizazio ekimenak, aholkularitza, informazioa, prestakuntza, enpresa gida, merkatu eta etorkizuneko erronken txostenak, diru-laguntza programa, eta abar.
- **Programa zehatzak:** Urola Kosta sortzailea, Ondorengotzaren kudeaketa, Mikropreben, Hazilan enpresak, Hazinnova, Mugi Urola Kosta Enpresa euskaraz handitzen, 4.0 industria eta ETE digitala, Ostiral teknologikoak, Zibersegurtasuna eta Aniztasunaren kudeaketa.